

Ndebele - Usindiso Imibhalo - Salvation Scriptures

Abase-Efesu 2:2 elalikade lihamba kuzo njengokwendlela yalumlaba, njengokombusi wamandla asemkhathini, awomoya osebenzayo khathesi phakathi kwabantwana bokungalaleli;

uMatthewu 6:10 umbuso wakho kawuze; intando yakho kayenziwe, lemhlabeni njengezulwini;

uLuka 22:42 esithi: Baba, uba uthanda susa linkezo kimi; kodwa-ke kungenziwa intando yami, kodwa eyakho.

uJohane 16:7-9 Kodwa mina ngilitshela iqiniso: Kulilungele ukuthi mina ngihambe; ngoba nxa ngingahambi, uMduduzi kayikuza kini; kodwa nxa ngihamba, ngizamthuma kini. 8 Nxa esefikile yena uzaqinisekisa umhlaba ngesono langokulunga langesigwebo; 9 ngesono, ngoba kabakholwa kimi;

2 uThimothi 2:10 Lezinto owazizwa kimi phakathi kwabafakazi abanengi, zinikele ebantwini abathembekileyo, abazakuba lamandla okufundisa labanye.

AbaseRoma 15:20,21 ngokunjalo ngazama kakhulu ukutshumayela ivangeli, kungeyisikho lapho uKristu abizwe khona, ukuze ngingakhi phezu kwesisekelo somunye; 21 kodwa, njengokulotshiweyo ukuthi: Abangatshelwanga ngaye, bazabona, labangezwanga, bazaqedisisa.

Imisebenzi 2:36,37 Ngakho indlu kalsrayeli yonke kayazi isibili, ukuthi uNkulunkulu umenzile kokubili ukuba yiNkosi loKristu, uJesu lo elambethelayo. 37 Bathi ukuzwa lokhu bahlabeka enhliziyweni, basebesithi kuPetro lakwabanye abaphostoli: Madoda bazalwane, sizakwenzani?

AmaHebheru 4:2 ngoba phela lathi satshunyayezwa ivangeli, njengabo; kodwa ilizwi lombiko kalibasizanga bona, lokhu lingahlangananga lokholo kulabo abalizwayo;

uJeremiya 24:7 Ngizabapha inhliziyo yokungazi, ukuthi mina nginguJehova. Bazakuba ngabantu bami, mina ngibe nguNkulunkulu wabo, ngoba bazabuyela kimi ngenhliziyo yabo yonke.

Imisebenzi 16:14 Lowesifazana othile uLidiya ngebizo, ongumthengisikazi wamalembu ayibubende owemzini weTiyathira, ekhonza uNkulunkulu, wezwa, onhliziyo yakhe iNkosi yayivula, ukuthi alalele okwakhulunywa nguPawuli.

uMatthewu 13:14,15 Kubo besekugcwaliseka isiprofetho sikalsaya, esithi: Ukuzwa lizakuzwa, kodwa kalisoze liqedisise; lokubona lizabona, kodwa

kalisoze libonise; 15 ngoba inhliziyo yalababantu seyaba lukhuni, lendlebe zizwa kabuthundu, lamehlo abo bawacimezile; hlezi loba nini babone ngamehlo, njalo bezwe ngendlebe, futhi baqedise ngenhliziyo, njalo baphenduke, besengibasilisa.

u-Isaya 6:9,10 Wasesithi, “Hamba uyetshela abantu uthi: “ ‘Zwanini kokuphela, kodwa lingaqedisisi; bonani kokuphela, kodwa lingabonisisi.’ 10 yenza inhliziyo yalababantu ibe lukhuni; wenze izindlebe zabo zibe buthundu, uvale amehlo abo. Hlezi babone ngamehlo abo, bezwe ngezindlebe zabo, baqedise ngezinhliziyo zabo, baphenduke basiliswe.”

uMakho 4:11,12 Wasesithi kubo: Kuphiwe kuni ukwazi imfihlo yombuso kaNkulunkulu; kodwa kulabo abangaphandle, benzelwa izinto zonke ngemifanekiso; 12 ukuze bebona babone, bangabonisisi; njalo besizwa bezwe, bangaqedisisi; hlezi loba nini baphenduke, bathethelelwe izono zabo.

uJohane 12:39,40 Ngakho babengenelisi ukukholwa, ngoba ulsaya wabuya wathi: 40 Uphumputhekisile amehlo abo, wayenza lukhuni inhliziyo yabo; ukuze bangaboni ngamehlo abo, futhi baqedise ngenhliziyo, njalo baphenduke, besengibasilisa.

AbaseRoma 11:7,8 Pho-ke? Ulsrayeli ayekudinga, lokhu kakutholanga, kodwa abakhethiweyo bakuthola, labanye benziwa baba lukhuni; 8 njengokulotshiweyo ukuthi: UNkulunkulu wabanika umoya wobuthongo obukhulu, amehlo ukuze bangaboni, lendlebe ukuze bangezwa, kuze kube lusuku lwalamuhla.

2 AbaseThesalonika 2:10,11 lenkohlisweni yonke yokungalungi kulabo ababhubhayo, ngoba kabemukelanga uthando lweqiniso ukuze basindiswe. 11 Ngenxa yalokhu-ke uNkulunkulu uzabathumezela amandla enkohliso, ukuze bakholwe amanga;

uMatthewu 13:18-23 Ngakho lina zwanini umfanekiso womhlanyeli. 19 Kuthi wonke ozwayo ilizwi lombuso kodwa engaqedisisi, omubi afike, ahluthune okuhlanyelwe enhliziyweni yakhe. Lo nguye ohlanyelwe eceleni kwendlela. 20 Kodwa ohlanyelwe emadwaleni, nguye olizwayo ilizwi, ahle alamukele ngentokozo; 21 kodwa kalampande phakathi kwakhe, kodwa uhlala isikhatshana; kuthi sekufika inkathazo kumbe ukuzingelwa ngenxa yelizwi, ahle akhubeke. 22 Lohlanyelwe emeveni, nguye olizwayo ilizwi, kodwa impisekelo yalumhlaba lenkohliso yenotho kuyaliminyanisa ilizwi, futhi lingatheli isithelo. 23 Kodwa ohlanyelwe emhlabathini omuhle, nguye olizwayo ilizwi aliqedise; athele izithelo, aveze, omunye ikhulu, lomunye amatshumi ayisithupha, lomunye amatshumi amathathu.

2 AbaseKhorinte 3:15,16 Kodwa kuze kube lamuhla, nxa kufundwa uMozisi,

isimbombozo siphezu kwenhliziyo yabo. 16 Loba nini nxa ebuyela eNkosini, isimbombozo siyasuswa.

u-Isaya 30:28 Umoya awuphefumulayo unjengesifula esigcweleyo esilamanzi afika entanyeni. Uhlungula izizwe ngesefa yokubhubhisa; ufaka emihlathini yabantu amatomu abasa ekulahlekeni

uHosiya 11:3-7 Yimi engafundisa u-Efrayimi ukuhamba, ngibabambe ngezingalo; kodwa kababonanga ukuthi yimi engabelaphayo. 4 Ngabakhokhela ngezintambo zomusa woluntu, ngezibopho zothando; ngasusa amajogwe ezintanyeni zabo, ngakhothamela phansi ukuba ngibaphe ukudla. 5 “Kabayikubuyela eGibhithe na, njalo i-Asiriya kayiyikubabusa na njengoba besala ukuphenduka? 6 Izinkemba zizaphazima emadolobheni abo, zizachitha imigoqo yamasango abo ziqede amacebo abo. 7 Abantu bami bazimisele ukungihlamukela. Lanxa bekhuleka koPhezu-konke kasoze abaphakamise.

Imisebenzi 26:18 ukuvula amehlo abo, lokubaphendula emnyameni baye ekukhanyeni, lemandleni kaSathane baye kuNkulunkulu, ukuze bamukeliswe uthethelelo lwezono, lelifa phakathi kwalabo abehlukanisiweyo ngokholo olukimi.

2 uThimothi 2:24-26 Inceku yeNkosi-ke kayifanele ukulwisa, kodwa ukuba mnene kibo bonke, ibe lelisu lokufundisa, ibekezele, 25 ibeluleke ngobumnene abalenkani; mhlawumbe uNkulunkulu angabanika ukuphenduka baye kulwazi lweqiniso, 26 njalo basanguluke kumjibila kaSathane, ababanjwe nguye entandweni yakhe.

ISambulelo 3:17-19 Ngoba uthi: Nginothile, senginothile njalo kangisweli lutho, kanti kawazi ukuthi wena ungohluphekayo lohawulayo longumyanga loyisiphofu lonqunu; 18 ngiyakweluleka ukuthi uthenge kimi igolide elicengwe ngomlilo, ukuze unotho; lezembatho ezimhlophe, ukuze wembathe, lehlazo lobuze bakho lingembulwa; njalo ugcoke amehlo akho ngamagcobo amehlo, ukuze ubone. 19 Mina bonke engibathandayo, ngiyabasola ngibatshaye. Ngakho tshiseka uphenduke.

2 AbaseKhorinte 7:10 Ngoba ukudabuka ngokukaNkulunkulu kuletha ukuphenduka kube lusindiso ongeziso ngalo; kodwa ukudabuka komhlaba kuletha ukufa.

1 Amakhosi 18:37 Akungiphendule O Jehova, akungiphendule ukuze lababantu bakwazi ukuthi wena Jehova, unguNkulunkulu, lokuthi njalo uguqula izinhliziyo zabo.”

2 AbaseKhorinte 4:4 okubo unkulunkulu walesisikhathi uphumputhekisile ingqondo zabangakholwayo, ukuze kungakhanyi kibo ukukhanya kwevangeli lenkazimulo kaKristu, ongumfanekiso kaNkulunkulu.

uLukha 8:11-15 Lomfanekiso uyilokhu: Inhlanyelo iyilizwi likaNkulunkulu. 12

Labaseceleni kwendlela yilabo abathi sebezile, besekufika uSathane alisuse ilizwi enhliziyweni zabo, ukuze bangakholwa basindiswe. 13 Labasedwaleni yilabo, abathi belizwile, balamukele ilizwi ngentokozo, kodwa laba kabalampane, bayakholwa okwesikhathi, kuthi ngesikhathi sokulingwa bawe. 14 Lokuwele phakathi kwameva, yilabo abathi sebezile, bahambe baminyaniswe yikukhathalela lenotho lenkanuko yempilo, njalo bangatheli izithelo ezivuthiweyo. 15 Kodwa okusemhlabathini omuhle, yilabo abathi belizwile ilizwi balilondoloze enhliziyweni enhle lelungileyo, besebethela izithelo ngokubekezela.

Imisebenzi 15:11 Kodwa sikholwa ukuthi sisindiswa ngomusa weNkosi uJesu Kristu, ngandlelanye labo.

AbaseRoma 8:13 ngoba uba liphila ngokwenyama, lizakufa; kodwa uba libulala imisebenzi yomzimba ngoMoya, lizaphila.

**Pastor T. John Franklin
Church of Salvation, Healing, and Deliverance
COS-HAD.org**